
Улуғ халқнинг мағрур қўшиғи

Бугун туманимизнинг барча ҳудудларида, ташкилот ва муассасаларда, ўқув масканларида Ўзбекистон Республикаси Давлат мадҳиясининг 27 йиллигига бағишланган байрам тадбирлари бўлиб ўтди.

Ана шундай байрам тадбирлардан бири тумандаги 23-сонли болалар мусиқа ва санъат мактабида ҳам ташкил этилди.

Унда тумандаги сектор раҳбарлари, давлат ва жамоат ташкилотлари, таълим муассасалари раҳбарлари ва ёшлар иштирок этди.

Тадбирни туман ҳокими Қахрамонжон Джураев очиб, иштирокчиларни ва улар орқали барча туманимиз аҳлини байрам билан муборакбод этди.



Туман ҳокими ўз сўзида Давлат мадҳиясининг ўзига хос жиҳатлари, унда мардона ва шарафларга бой ўтмишимиз, миллий анъана ва қадриятларимиз, тинчлик, эзгулик каби некбин умуминсоний туйғулар, халқимизнинг орзу-интилишлари тараннум этилишини таъкидлади.

Шундан сўнг, тумандаги 23-сонли болалар мусиқа ва санъат мактаби хор жамоаси томонидан давлатимиз мадҳияси ижро этилди.

Тадбирга йиғилган барча иштирокчилар, ўқувчи-ёшлар хор жамоаси билан биргаликда миллий мадҳиямизни куйлади.



Тадбирда иштирок этганлар педагоглар ва жамоатчилик вакиллари озод ва осуда мамлакатимиз суверенитетининг улуғ рамзи бўлган Давлат мадҳиясининг сатрларида мард, меҳнаткаш халқимизнинг орзу-умидлари, келажакдаги янада фаровон ҳаётга қатъий ишонч туйғуси ўз ифодасини топганлигини тўлқинланиб гапиришди.

Келажакимиз пойдевори ҳисобланган, туманимиз ёшлари эса миллатимиз қўшиғи-Давлат мадҳиясига чуқур ҳурмат-эҳтиром билан қарашни ўзларининг муқаддас ва шарафли бурчлари деб билишларини фахр билан айтишди.









Тадбир давомида мусиқа ва санъат мактабининг бадий жамоалари томонидан юрт мадҳи, тинчлик ва осойишталикни улуғловчи куй-қўшиқлар янгради. Ўқувчи-ёшларнинг чиқишлари байрам тадбирига янада файз қўшди.

Ўзбекистон тумани ҳокимлиги Ахборот хизмати

2019-12-10 23:09:58